



Ir Ferdinand von Gots genaden zu Hungern vnd Behaim zc. König/ Infant in Hispanien/ Erzhertzog zu Osterreich/ Hertzog zu Burgundi/ Steir
 Kärnten/ Crain/ vnd Württemberg zc. Erwidern .n. allen vnd yeden Bischöffen/ Preläten/ Ordinarien/ oder derselben Officialen/ Erzbischoffern/ Vis
 carien/ vnd nachgesetzten Gerwalltragern/ so allenthalben in vnnsern Niderösterreichischen Landen/ in Geistlichen sachen/ District vnd Obacht
 haben/ denen dises vnnsere General Mandat fuerkomen oder gezeigt wirdet. Vnnsere gnad vnd alles guets. Wiewol wir kurzuerschiner zeit aus
 Cristenlichem gemüet/ vnd der lieb/ die wir zu vnnsere hailtsamen glauben tragen/ von wegen der vnchristlichen pösen egerischen vnd verführlichen
 Secten vnd Leeren/ die gemeltet vnnsere Cristenlichem glauben zu wider/ in wenig jaren/ von etlichen leichtfertigen muetwilligen pösen Personen
 erwechth vnd aufgeschacht/ dadurch vil treffentlich empörung/ plüetuergeriffung/ vnd ander pöß handlung/ wie laider vor augen entstandden sein/
 vnd hinfüro/ wo nicht zeitlicher vnnnd ernstlicher einsehung beschehe/ noch nicht weniger enntstehen/ vnd zu merer verführung der Armen anfalltigen
 Cristen menschen raichen möchten/ in obgedachte vnnsere Nider auch Osterreichische Erblände zu aufreitung obbestimten verführlichen Sec
 ten vnd Leeren/ vnnsere offen Edict vnd General Mandat außgeen vnd publiciren lassen. So haben wir doch in denselben von den Nisbreichen
 vnd Beschwerungen/ die etwo in menigerlay weeg dem Armen gemeinem volß/ vber die Ordnung jüngstlich zu Regenspurg aufgericht vnd beschloß
 sen/ von iren Pharrern vnnnd Bischoffen zuegefüget werden/ nicht gemeldet. Vnd damit sich der gemain Cristen mensch darüber zu beclagen/ nicht
 vrsach hab auch der ermittelten beschwerden erleidigt/ vnnnd jnen darinnen geholfen werde. Emphelhen wir Euch demnach mit ernst vnd wollen/
 das Ir bey allen vnd jeden Pharrern/ vnd andern Bischoffen allenthalben in Ewre jedes District vnd vernaltung/ ernstlichen darob seyhet/ versey
 get/ vnd einsehung thuet/ das von denselben/ der Ordnung/ so vergangner kurtzer jar/ wie obgemelt zu Regenspurg von wegen obgedachter/ der Geist
 lichen Nisbreich vnd beschwerden/ die dem Armen gemeinem volß/ mit den Gotsrechten/ Opheen/ Seelgeräten/ vnnnd in annder dergleichen weeg/
 von jnen zuegefüget worden/ vnd sonnst zuegestanden sein/ volß bömenlichen geleben/ vnd gemüthlichen nachthomen/ vnd darwider in thamerlay weis
 noch weeg thün/ noch handlen. Wir wollen vnd emphelhen auch Euch allen vnd jedem in sonnders/ das Ir dises vnnsere Mandat/ die bestimten
 Jar und zeit/ in obgemeltet vnnsere aufgängen Edict begriffen/ alwegen auf den Cannzln öffentlich vnd meniglich verlesen/ Publiciren/ vnnnd ver
 thünden lasset. Das ist vnnsere ernstliche mainung. Geben in vnnsere Stat Wienn/ am Sechzehenden tag des Monats Januarij/ im Acht
 vnd zwainzigsten. Vnnsere Reiche des Hungarischen im Ersten/ vnd des Behaimischen im andern Jaren.

Възвѣщеніи
Свѣтла

omissio cui
Regis in obsequio

Smidoffbroderen
By Jægersall 2

2 by 2.5